

Universitätsbibliothek Wuppertal

Epistolæ obscurorum virorum

cvm inlvstrantibvs adversariisqve scriptis

Textvs

Hutten, Ulrich von

Lipsiæ, 1864

Duo de monachis carmina

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-976](https://nbn-resolving.org/urn:nbn:de:hbz:468-1-976)

[Ne ad perpetuum otium hæc pagina damnetur, eam duo de monachis carmina in se suscipere decretum est ex 'Querela fidei desumpta, quæ legitur in Pasquillorum tomis [Ind. bibl. Hutt. n. 55, 1.] p. 103...105. Valentinus Curio p. 99. [94. per err.] præmonuit "Ad lectorem. Libuit hic subiicere Querelam de fide, pii et spiritualis cuiuspiam Parochi, ut videtur, ante hoc nostrum seculum nuper in Germania repertam, ut videas, optime Lector, etiam ante nos fuisse semper in Ecclesia aliquot pios et sanctos viros, qui cum publice non auderent suum spiritum et sensum profiteri, tamen in angulis suis... suum dolorem extillaverunt, et visitationis diem expectaverunt". Præter interpunctionem nihil emendavi, nisi quod 'perorare' scripsi pro falso 'pro orare'.]

DE MONACHIS.

Item qui in claustris degunt,
Iuxta normam se non regunt,
Quam patres instituerunt,
Sed quæ vetita sunt quærunt;
Vestes deferunt claustrales,
Sed in mente non sunt tales:
Namque sub religiosa
Veste latet mens dolosa;

Rixas, lites et rancores
Habent inter se maiores
Monachi et Moniales
Quam personæ mundiales.
Qui vult Satanæ servire,
Clastrum debet introire:
Mali cogunt ibi bonos,
Ut cantent eorum tonos.

DE MONACHIS MENDICANTIBVS.

Item fratres mendicantes
Omnes fere sunt truffantes:
Parent nam quod sint devoti,
Cum sint tamen nequam toti:
Quicquid prædicant sermone,
Raro complent actione;
Metunt, ubi nusquam serunt,
Semper plus quam sua quærunt;
Oves alienas tondunt,
Et parrochias confundunt,
Dantibus applaudunt care,
Sed qui nihil possunt dare
Vel replere eis manum,
Illos mittunt ad Plebanum.
Pulchre perorare sciunt,
His qui credunt capti fiunt:
Per verborum apparatus

Aures penetrant magnatum.
Valde diligenter notant
Ubi divites ægrotant:
Ibi currunt, nec cessabunt
Donec ipsos tumultabunt;
Sed ad casas miserorum
Nullus ire vult eorum.
Puto vero quod prodesset,
Si in mundo nullus esset
Monachus vel Monialis,
Sive secta Begynnalis:
Postquam enim sic creverunt,
Lex et fides perierunt,
Et totius mundi status
Est in malum commutatus.
Utrum culpa sit eorum,
Noscit conditor cunctorum.